

Pa e echo di a
logra mas di
10 mil CD

Claudius Philips ta risibi "Golden album"

Claudius Philips a bolbe marka pautu den historia di farandula na Aruba, na momentu ku na Playa Linda siman pasá ela ser honrá pa un disko di oro.

Claudius Philips a risibi su "Golden Album" pa e echo ku ela logra mas di 10 mil kopia di C.D. riba merkado di Aruba i Kòrsou pa su

super eksito "Saca e Boem". Banda di Claudius, tambe e propietario di Aruba Recording Studio, Antonio Lacle i su dos ingenieronan di studio, Efi Thiel i Bulu Viloria a ser honrá pa un Golden Album.

Durante e anochi di premiashon, por a nota karanan di alegría i satisfakshon na momentu ku representante- nan di Disc Makers di Phila-

delphia, Tony van Veen (un Arubano) a hasi entrega di e balioso Disko di Oronan na Claudius Philips i e otro personanan.

Durante di e anochi aki ku por ser konsiderá komo un anochi historiko, tabatin presentashon di e gran kantante Edwin Abath, kende tambe a

dirigi palabrá di elogio pa e logro grandi di Claudius. Por sierto Edwin, kende ta un gran amigu di Claudius a ilustrá den su diskurso ku e no ta kere den suerte pa logra algu importante asina, pero simplemente Claudius ta un artista ku a sa di programá su metanan den un forma eksitoso.


Edwin Abath a muestra mas aleu ku Claudius por ta un ehempel pa tantu musikonan aktual, pero tambe esnan di futuro.

Di parti di MUSIKA y ESPEKTAKULO nos tambe kier a uni na e avalanchi di felisitashonnan ku ta bai pa Claudius Philips ku e premio aki.

La Prensa

INTERNATIONAL TRADE CENTER

PARADISE MOVIES



FRIDAY FEBR. 17

7.00 Jungle Book (the movie)
9.30 Ready To Wear

SATURDAY FEBR. 18

4.30 Jungle Book (the movie)
7.00 Ready To Wear
9.45 Ready To Wear

SUNDAY FEBR. 19

7.00 Ready To Wear
9.45 Ready To Wear

Tickets Fl. 12,50 at the ITC on showing days from 2.00 pm., Sun. from 5.00 pm.
Reservations & Info tel. 636195, from 9 am till 5 pm. Fri. & Sat. from 2 pm, Sun. from 5 pm. Reservations will be cancelled 30 min prior to show time.



Kont. di pag. 1

(ASOMA), no mester tin polemika entre Kòrsou i Aruba den farandulá. E deklarashon aki a bini despues ku promé ku e Festival di Tumba di Aruba ku a tuma lugá siman pasá, ta tin algun komentario riba e echo ku dos musiko di Kòrsou lo a bai toka den e Festival aki.

Joy Kock a muestra ku e interkambio aki ta algu sano i a muestra ku defakto ta Kòrsou a kuminsa na invita musikonan di Aruba pa partisipá den tantu areglo i tambe presentá komo musiko den e festival.

Joy Kock a deklará ku den



Joy Kock

pasado ta tin musikonan manera Robert Jeand'or, Franklin Granadillo, Robert Dumpfries i Hilward Croes a yega di presentá den Festival di Tumba.

Segun Kock a muestra ku si un banda ke fortifiká nan tumba ku algun musiko di Kòrsou, Aruba tambe mester muestra bon boluntad den esaki.

Por ultimo Joy Kock a bisa ku den musika hamas por eksistí polemika inesensario entre kualkier pais ya ku ta esakinan ta yuda otro pa engrandese e interkambio musikal den eksterior.

"Si ta un kompetensia di kantante ta mas ku komprehendibel ku e kantante mester ta residencia na e respektivo pais. Pero si ta un refuerso musikal, anto esaki semper ta akseptabel, pasobra mayoria banda tin musikonan di eksterior", di akuerdo ku Joy Kock, eks presidente di ASOMA.

Kònòshi suplemento pa henter famia